

Izjava ambasadora Upravnog odbora Vijeća za implementaciju mira

Peace Implementation Council

Steering Board Ambassadors

Ambasadori Upravnog odbora Vijeća za implementaciju mira smatraju krajnje ozbiljnim zaključak koji je jučer usvojila Vlada RS o otpočinjanju procesa o povlačenju odobrenja na Zakon o prenosu električne energije, regulatoru i operatoru sistema u BiH, u dijelu koji se odnosi na uspostavljanje Kompanije za prenos električne energije u BiH i raskidanju Sporazuma o prenosnoj kompaniji i Nezavisnom operatoru sistema između predsjednika vlada entiteta u BiH.

Ambasadori podsjećaju Vladu RS na jasan stav koji je Upravni odbor Vijeća za implementaciju mira iskazao u svojoj Deklaraciji od 31. oktobra 2007.godine u pogledu mogućih jednostranih poteza ovog tipa od strane entiteta, kada je Upravni odbor konstatirao sljedeće: »Upravni odbor Vijeća za implementaciju mira isto tako ponovno naglašava svoju zabrinutost u pogledu prijedloga da bi određene reforme mogle biti jednostrano opozvane odlukama entiteta kojim bi se vratile nadležnosti prethodno prenesene na državu. Entitet se ne može jednostrano povući iz prethodno dogovorene reforme.»

Ambasadori Upravnog odbora Vijeća za implementaciju mira očekuju od Vlade RS da poništi svoj zaključak i nastavi da radi u okviru uspostavljenih institucija i zakona Bosne i Hercegovine, u ovom slučaju Kompanije za prenos električne energije u BiH te da nastavi da radi u duhu kompromisa kako bi se unaprijedila funkcionalnost ovih institucija.

Svaki potez organa vlasti RS da provedu ovaj zaključak rješavao bi se kako je to navedeno u Deklaraciji Upravnog odbora Vijeća za implementaciju mira iz oktobra 2007.godine.